

Ո Ր Ո Շ ՈՒ Մ թիվ - 273
Վարչական տույժ նշանակելու մասին

«22» հոկտեմբերի 2018թ.

ք. Երևան

ՀՀ ՊԵԿ հետաքննության վարչության պետ Ա. Քյարամյանս, վերանայելով Ժանա Մինասյանի վերաբերյալ նյութերը.

Պ Ա Ր Զ Ե Ց Ի՝

2018 թվականի օգոստոսի 16-ին ՀՀ ՊԵԿ նախագահին հասցեագրված դիմումով Վրաստանի քաղաքացի Ժանա Մինասյանի լիազոր ներկայացուցիչ Հարություն Խալաթյանը հայտնել է, որ 2018 թվականի հունվարի 29-ին թիվ 05100033/290118/0000153952 մաքսային մուտքի օրդերով, մեկ ամիս ժամկետով, «Ժամանակավոր ներմուծում» մաքսային ընթացակարգով, ՀՀ է ներմուծել 1997 թվականի արտադրության «MERCEDES-BENZ CLK 320» մակնիշի, II501XX հաշվառման համարանիշի ավտոմեքենա, սակայն 2018 թվականի հունիսի 3-ին Էմիլ Ասլանյանը Երևան քաղաքի Բաղրամյան Մոսկովյան փողոցների խաչմերուկում վերոնշյալ ավտոմեքենայով ենթաարկվել է վթարի, որի հետևանքով հիշյալ ավտոմեքենան ենթակա չի եղել շահագործման: Միաժամանակ, Հարություն Խալաթյանը կից ներկայացրել է Վրաստանի ճանապարհային ոստիկանության կողմից տրված 09.08.2018թ. տեղեկանքը հիշյալ ավտոմեքենայի խոտանման վերաբերյալ և խնդրել 2018 թվականի հունվարի 29-ի 05100033/290118/0000153952 մաքսային մուտքի օրդերը հանել հսկողությունից:

Վրաստանի քաղաքացի Ժանա Մինասյանի լիազոր ներկայացուցիչ Հարություն Խալաթյանի 16.08.2018թ. դիմումն ու կից փաստաթղթերն ուղարկվել են ՀՀ ՊԵԿ հետաքննության վարչություն:

2018 թվականի հուլիսի 30-ին ՀՀ ՊԵԿ հետաքննության վարչության թիվ 3 /մաքսային գործերով/ բաժնում Ժանա Մինասյանի նկատմամբ 2018 թվականի հունվարի 29-ի թիվ 05100033/290118/0000153952 մաքսային մուտքի օրդերով, «Ժամանակավոր ներմուծում» մաքսային ռեժիմով ՀՀ ներմուծված և մաքսային հսկողության ներքո գտնվող «MERCEDES-BENZ CLK 320» մակնիշի, II501XX հաշվառման համարանիշի ավտոմեքենան, առանց մաքսային մարմնի թույլտվության, 2018 թվականի հունիսի 3-ին Էմիլ Ասլանյանին հանձնելու համար ՀՀ մաքսային օրենսգրքի 198-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Ժանա Մինասյանը 22.08.2018թ. թիվ 13-2/48713-17 ծանուցագրով հրավիրվել է ՀՀ ՊԵԿ հետաքննության վարչություն՝ իր նկատմամբ սկսված մաքսային կանոնների խախտման վերաբերյալ գործի վարույթին մասնակցելու և միաժամանակ նախազգուշացվել, որ չներկայանալու դեպքում ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործի վարույթը կիրականացվի առանց իր մասնակցության, սակայն վերջինս չի ներկայացել:

2018 թվականի օգոստոսի 16-ին ՀՀ ՊԵԿ նախագահին հասցեագրված դիմումին կից ներկայացված նյութական վնասով ճանապարհատրանսպորտային պատահարի (ՃՊՏ) գործով վարչական վարույթ իրականացնելու և ՃՊՏ-ի տվյալների մասին 03.06.2018թ. թիվ 9378 արձանագրություն-համաձայնության ուսումնասիրությունից պարզվել է, որ 2018

թվականի հունիսի 3-ին ճանապարհատրանսպորտային պատահարին «MERCEDES-BENZ CLK 320» մակնիշի, II501XX հաշվառման համարանիշի ավտոմեքենայի վարորդ հանդիսացել է Էմիլ Ասլանյանը:

ԵԱՏՄ մաքսային միության օրենսգրքի 2-րդ հոդվածի 45-րդ կետի համաձայն «ապրանք» է հանդիսանում ցանկացած շարժական գույք, այդ թվում՝ անդամ պետությունների արժույթ, արժեթղթեր և (կամ) արժույթային արժեքներ, ճանապարհային չեկեր, էլեկտրական էներգիա, ինչպես նաև անշարժ գույքին հավասարեցված այլ տեղափոխվող իրեր:

ԵԱՏՄ մաքսային օրենսգրքի 14-րդ և 311-րդ հոդվածները սահմանում են այն ապրանքները և տրանսպորտային միջոցները, որոնք ԵԱՏՄ տարածք ներմուծման պահից մինչև որևէ մաքսային ընթացակարգով հայտարարագրվելը գտնվում են մաքսային հսկողության ներքո:

Մաքսային կարգավորման մասին ՀՀ օրենքի 123-րդ հոդվածի 1-ին պարբերության համաձայն՝ Հայաստանի Հանրապետության սահմանով տեղափոխվող ապրանքներն ու տրանսպորտային միջոցները, ըստ մաքսային ընթացակարգերի, գտնվում են մաքսային հսկողության տակ: Նույն հոդվածի 2-րդ պարբերության համաձայն՝ անկախ սույն հոդվածի առաջին պարբերությամբ սահմանված հսկողության ժամկետներից, ներմուծվող ապրանքները Հայաստանի Հանրապետության տարածք ներմուծման պահից մինչև որևէ մաքսային ընթացակարգով հայտարարագրվելը գտնվում են մաքսային հսկողության տակ:

ԵԱՏՄ մաքսային օրենսգրքի 264-րդ հոդվածի 6-րդ կետի համաձայն՝ Ժամանակավոր ներմուծված անձնական օգտագործման տրանսպորտային միջոցները Միության մաքսային տարածքում պետք է գտնվեն հայտարարատուի փաստացի տիրապետման և օգտագործման տակ, եթե այլ բան սահմանված չէ սույն հոդվածով:

2018 թվականի հունվարի 29-ի թիվ 05100033/290118/0000153952 մաքսային մուտքի օրդերի 7.1 ենթակետում «MERCEDES-BENZ CLK 320» մակնիշի, II501XX հաշվառման համարանիշի ավտոմեքենայի արժեքը՝ որպես ապրանքի արժեք, նշված է 1345680 ՀՀ դրամ, որը ԵԱՏՄ հանձնաժողովի 18.06.2010թ. թիվ 288 որոշման համաձայն՝ հանդիսանում է վերոնշյալ ավտոմեքենայի մաքսային արժեքը:

Ժանա Մինասյանը 2018 թվականի հոկտեմբերի 22-ին հրավիրվել է ՀՀ ՊԵԿ հետաքննության վարչություն՝ իր նկատմամբ սկսված վարչական գործի քննությանը մասնակցելու համար, միաժամանակ նախազգուշացվելով, որ ՀՀ մաքսային օրենսգրքի 219-րդ հոդվածի համաձայն՝ չներկայանալու դեպքում վարչական գործի քննությունը կիրականացվի առանց իր մասնակցության:

Այսպիսով, նյութերով պարզվել է, որ Վրաստանի քաղաքացի Ժանա Մինասյանը 29.01.2018թ. Բագրատաշենի մաքսային կետ-բաժնով թիվ 05100033/290118/0000153952 մաքսային մուտքի օրդերով, «Ժամանակավոր ներմուծում» մաքսային ռեժիմով ՀՀ ներմուծված և մաքսային հսկողության ներքո գտնվող «MERCEDES-BENZ CLK 320» մակնիշի, II501XX հաշվառման համարանիշի ավտոմեքենան առանց մաքսային մարմնի թույլտվության 2018 թվականի հունիսի 3-ին հանձնել է Էմիլ Ասլանյանին, այսինքն՝ թույլ է տվել ՀՀ մաքսային օրենսգրքի 198-րդ հոդվածով նախատեսված մաքսային կանոնների խախտում, այն է՝ մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը, ոչնչացնելը կամ կորցնելը, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, 29.01.2018թ. թիվ 05100033/290118/0000153952 մաքսային մուտքի օրդերով և 03.06.2018թ. թիվ 9378 արձանագրություն-համաձայնությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 198-րդ, 206 և 221-րդ հոդվածներով.

Ո Ր Ո Շ Ե Ց Ի՝

1. Ժանա Մինասյանին (ծնված՝ 15.11.1951թ., Վրաստանի քաղաքացի, , բնակվող՝ Վրաստան, ք. Թբիլիսի, Մելանիի 3-րդ նրբանցք, 14-րդ տուն, անձնագրի համարը՝ 07AH02735) ճանաչել զանցառու ՀՀ մաքսային օրենսգրքի 198-րդ հոդվածով և նրան տուգանել մաքսային հսկողության ներքո գտնվող ու առանց մաքսային մարմնի թույլտվության հանձնած «MERCEDES-BENZ CLK 320» մակնիշի, II501XX հաշվառման համարանիշի ավտոմեքենայի մաքսային արժեքի հիսուն տոկոսի չափով՝ 672840 ՀՀ դրամ:

2. Որոշման մասին հայտնել Ժ. Մինասյանին՝ պարզաբանելով, որ այն կայացնելուց հետո 10 օրվա ընթացքում կարող է բողոքարկել վերադաս մաքսային մարմին (ՀՀ ՄՕ 222-րդ հոդվածի 2-րդ մաս) կամ ՀՀ Վարչական դատարան 2 ամսվա ընթացքում (ՀՀ Վարչական դատավարության օրենսգրքի 72-րդ հոդվածի 1-ին մասին 1-ին կետ):

Հետաքննության
վարչության պետ



Ա. ՔՅԱՐԱՄՅԱՆ